



Universitätsbibliothek Paderborn

**Agenda, Das ist: Kirchenordnung/ wie es im
Fürstenthumb Hessen mit verkündigung Göttliches
Worts/ reichung der heiligen Sacramenten vnd andern
Christlichen handlungen vnd Ceremonien gehalten
werden ...**

Wilhelm <IV., Hessen-Kassel, Landgraf>

Marpurgk, 1574

VD16 H 2964

Gebett so auff die gemeine Bettage gebraucht werden.

urn:nbn:de:hbz:466:1-35994

gang vnd gewerbe/vnderlassen/ die Pforten in
Stedten verschlossen / auff den Dorffen aber
gegen die jenigen/ so ohn hohe sonderliche noth
das Gebet versäumen / ein gewisse Peen vnd
straff vorgenommen/ vñ also alles was hieran
Hindernis thut / vnd von diesem nothwendia-
gen Gottesdienst die Leute abhalten möchteß
genzlich abgeschafft werden solt.

Gebett so auff die ge- meine Bettage gebraucht werden

G Allmechtiger Herr Gott Him-
lischer Vatter / der du nicht lust
hast an der armen Sünder tod / les-
sest sie auch nicht gern verderben / son-
dern wilt das sie bekehret werden vnd
leben: Wir bitten dich herzlich/du
wöllest die voluerdiente straff vnserer
sünden gnediglich abwenden / vñ
vns

27

uns hinfort zu bessern deine barmher-
zigkeit mildiglich verleihen / durch
onsern Herrn Jesum Christum deinen
Sohn / der mit dir in einigkeit des Hei-
ligen Geistes regiert vnd herschet im-
mer vnd ewiglich / Amen.

G Allmechtiger Herz Gott Him-
lischer Vatter / du weist das wir
in so mancher grosser gfahr / für men-
schlicher schwachheit nicht mögen
bleyben / Verleihe uns stercke vnd
krafft / beyde ahn Leib vnd Seelen /
das wir alles so uns omb der Sünde
willen quelet vnd ahnsicht / mit deiner
hülff überwinden / durch onsern Her-
ren Ihesum Christum.

G Allmechtiger barmherziger Gott
vnd Himmelscher Vatter / des
G iii Barme

Barmhertzigkeit kein ende ist / der du
langmütig / gnedig / von grosser güte
vnd treuw bist / vnd vergibst die mis-
sethat / über trettung vnd sünde: Wir
haben mißhandlet vnd seind Gottlos
gewesen / vnd dich haben wir erzür-
net / dir allein gesündigt / vnd übel für
dir gethan / Aber Herz gedencke nicht
ahn unsere vorige missethat / laß bald
deine Barmhertzigkeit über vns grö-
ser sein / denn wir seind fast elend wor-
den / hilff Gott vnsers heils / errette
vns vnd vergib vns unsere sünde /
vmb der Ehre willen deines heiligsten
namens / vnd von wegen deines lie-
ben Sohns vnsers Heilands Ihesu
Christi.

G Allmechtiger Ewiger Gott / ein
trost der traurigen / ein stercke der
schwa

schwachen/laß für dein Angesicht ge-
nediglich kómen die bitte aller deren
so in kúmmernus vnd ahnsechtung zu
dir seuffzen vnd schreyen/das mennig-
lich mercke vnd entpsinde dein hülff
vnd beystandt in zeit der noth/ durch
Ihesum Christum vnsern Herrn.

G Allmechtiger Ewiger Gott/der
du wilt das allen menschen ge-
holffen werde/vnd zú erkendtnus dei-
ner Göttlichen warheit kommen:
Wir bitten deine Göttliche Majestet
durch Ihesum Christum deinen einzi-
gen Sohn vnsern Herrn vnd Hei-
landt/du wöllest deine Göttliche gna-
de hülff vnd Geist mittheilen vnserm
Landsfürsten vnd ordentlicher Obrig-
keit / das sie friedtlich vnd wol regie-
ren/ vnd wöllest durch dein Allmech-
tigen

stigen gewalt vñ vnerforschliche Weiß-
heit widderstandt thun / allen denen
die dem heilig wort hassen / vñ mit
falscher leer vñ vñordentlicher ge-
walt verfolgen / sie erleuchten / vñ zu
erkendtnus deiner herligkeit führen /
auff das wir alle in einem stillen ge-
rühwigen vñ strefflichen lebē / die reich-
thumb deiner Göttlichen gnaden /
durch einen reinen glauben erkennen /
vñ dir einigen waren Gott vñ Her-
ren aller Herzen / in heiligkeit vñ ge-
rechtigkeit die dir gefellig ist / dienen
mögen / durch vnsern Herrn Ihesum
Christum.

G Allmechtiger Gott / der du bist ein
beschützer aller die auff dich hof-
fen / ohn welches gnade niemands et-
was vermag noch etwas für dir gilt /
laß

laß vns deine Barmherzigkeit reich-
lich widderfahren / auff daß wir durch
dein heiliges eingeben gedencen
was recht vnd gut ist / vnd durch dei-
ne krafft auch dasselbig vollbringen /
durch vnsern Herrn Ihesum Chri-
stum.

Allmechtiger Gott der du der e-
lenden seuffzen nicht verschme-
hest / vnd der betrübtten herzen verlan-
gen nicht verachtest / Sihe doch ahn
vnsere gebett welches wir in vnsere not
dir fürtragen / vnd erhöre vns gnedig-
lich / das alles so beyde von Teuffel
vnd Menschen widder vns strebt / zu
nichte / vnd nach dem rath deiner gü-
te zurtrennet werde / auff daß wir von
aller anfechtung vnuersehret / dir in
deiner gemeine dancken / vnd dich als

h

lezelt

tezeit loben / durch vnsern Herrn Ihesum
Christum deinen Sohn / der mit
dir in einigkeit des heiligen Geistes
regieret vnd herschet immer vnd ewiglich / Amen.

Gebett wider den

Papst vnd Türcken.

Almechtiger Gott ein König aller
Könige / vnd Herz Himmels vnd
der Erden : Wir bekennen das wir
leider viel gesündigtet haben sampt
vnsern Vetteren / wir haben mißhan-
delt vnd seind Gottlos gewesen / vnd
haben deinen zorn / zeitliche vnd ewige
straff gar wol verdienet : Bitten aber
mit reuwigem hertzen / du wöllest vns
vnser sünde vñ deines lieben Sons
willen